

ለናይ ሰልፍ መግርክ 60ታት

2ይ ክፍል፦



ሓምድ ምን ከታይ ኦን ረአሱ ተሐት እበ መድሮረይ ትከረ። እግል ኢለአሪምመ ምን 150 መትር ዲብለ ኢትረይም ኦካን መድሮረይ፡ ዲብ ቅባልላ ሐርመት ዲብ ተሐት፡ እምበል ኦሮ ክልኦት ብዝሓም እግል ልሕለፎ እበ ለኢቀድሮ ገበይ ጸባብ ዲበ ሸፊ። ዎሮት ረአሱ ለዐል ወዎሮ ረአሱ ተሐት ለገይሶ ሰብ መጽዕን እተ ኦካን ትከባበተው ምንገብእ፡ ሕድ እንዴ ታከው እብ ተርተረት እግል ልሕለፎ ሀሌት እሎም። እብ ጀሀት አልገዴን ዲብ እለ እግል አሳስ መብነ ዐቢ ለተሐፈረ ካናል ለትመስል፡ ምን ብጥረት እናስ ለትረይም ናይ ጠቢዐት ላተ ገበይ ጸባብ አስከ ትገይስ ዲብ ሀሌከ ስጋደት ሰበት ገብኦት እብ ሸክል ሸን ብዕራይ(ዚግዛግ)ቱ ለትፈግረ። ምን ክም ሐለፍከ ሀዩ ዲብ ትትለዋሌ ከታይ- ኦን ትበጾሕ።

ሓምድ ለዲቡ ሕፉሽ ዐለ ልቅብ ሕጌ ነፍስ ለገብእ እሉ ምን ቀደሙ ወግራሁ ቅራር ዐለ። ክምሰልሁመ ዲብ ከታይ ኦን ዲብለ ተኦርእዩ ኦካን ክልኤ ክብድ ለብህላት እመነት ምን ሕድ እንዴ ፈናተተየን መጥ-መጦር ሕድ ከረየን። እት ረአሰን ሐቴ እመነት ረያም ወትርድት እንዴ ከረ ኦሮ ሻባክ ለቡ ሳትር ሰኒ ሸቀ። ሐቆ እለ መንዱቁ እበ ሸባክ እንዴ አፍገረዩ እግል ከታይ ኦን እግል ልራቅብ ወምጽኦት ሲኪንጂ እግል ልታቤዕ አንበተ። ለኦካን ሀዶማይት እንዴ ትነፈዕከ አባይ እግል ተኦትሀምል እተ ሰኒ ውጢትተ። ፈሲለት እንዴ ከስኦ ዲብ ለሐሰስ ለገይስ ለኢልትሀመል አባይ ሳደፌከ ሰውረት ኤረትርዩ እትለ ናይ ሰልፍ መትኦምባት ግድለ ስለሕ ዲብ 60ታት ፍንጌ ምናድሊን

ሰውረት ወጄሽ አባይ ገብእ ለዐለ መግርክ ምን ምናድል ሀይለስላሴ ወልዱ ለከትቦዩ ክታብ ዐዋቴ ለትነሰአቱ። ከእግል ዮም 2ይ ክፈል፡ ምንገብእ ላኪን እንትሓርቱ። እሊ ድፈዕ እሊ ለኢለአምር ወድለ ደዋሒ ኢሀለ። ሰብ ንዋይ ልግቡእ ወብዕድ አቅራድ እቡ ዲብ ለሐልፎ ሰበት ከባኩቡ፡ ዲመ ትምሳል ሐያይቱ። ክም ሽንኪ ብህል ጸንሐ ምንገብእ እንዴ አትሳነ ዲብለ አካን በዲሩ ለኢበልሱ፡ እግለ ታሪክ ለኢለአምር ሑድ ሌጣቱ። እብ አስዕር ትደፈነ ምንገብእ ጋልህወ ምኑ፡ ዲመ ድፈዕ ሓምድ ዲብ ልብሎ ፈቁዱ። አነ ወክቡብ ሐጃጅ ዲብ ሓምድ ዲብለ ከሬ እትጀህ ለዐለ ዑስማን ሰኒ ዐብደለ ለልትበህል ናራይ እብ ኦሮ እትጀህ ዐልነ።

ዎሮ ሓምድ ለልትበህል ለልትረከብ እቶም(ሓምድ ፈረጀለ ቱ ለገብእ) ወብዕዳም አርበዕ ሀይ ዲብ መዐደይነ ዐለው። አነ ወክቡብ ሐጃጅ ቀናብል ጥልያን ዐለ እነ። ሐቆህ ለዐሳክር ዲብለ ሐርመት ክም በጥረው፡ ቅምብለት እንዴ አፍገርኮ ወስ ዶል እቤ ክቡብ ሐጃጅ ሰልፍ ሓምድ ልልከፍ ክም ሀሌት እሉ ለተሐብር እሻረት እብ እዴሁ ለሀይበኒ። እንዴ ደጋገምኮ ነዐ ትገሴ እትለ ዲብ እንቶም እብ ቅምብለት እግል አርብዶም እብሉ። ዶልከ እተ እለ ጸብጥ ዐልኮ ቅምብለት ዲብ አሽር ሽዑርዬ አርእዩ። እበ እዴዬ ወስ ዲብ እብልቱ ለአስእሉ። እግል ኢልስምዑነ ሂገ አለብነ። ህቱመ ትገሴ ሓምድ እግል ልልከፍቱ ልብለኒ፡ እብ እሻረት ቱ። ለቀናብልዬ ምን እለክፉ ላተ ሑዶም ወተርፈ፡ እብ እሻረት አወዐ! ክም አብዘሐ እቼ ላኪን ለመቃወመቱ እግል ሒለፈ ኢሐዜኮ። አነ እንዴ ይእለክፍ ኢትልከፎ ለልብል አዎምር ሓምድመ ሐለ እቼ። ሐቆ እለ ዐሊ ሲኪንጂ ሰለስ ነፈር እንዴ አምረሐ ትበገሰ። ክሎም ሀይ ረአሶም ተሐት አበለው። ሓምድ ዲብለ ሐርመት ምን ኢጸንሐ ሄራር አስክ አልገዴን ገብአ።

ለሰለስ ገቤራይ ምን ከረ ሲኪንጂ 30 መትር ለኢትገብእ ነሳፈት ዲብ ዐለው፡ ንኢሽቶ ፍንትት ብህላም ዐለው። ለሐርመት ክም ሐልፈው ነፍሶም ፉስስት ምንመ ዐለት ቀሱነት ላቱ የዐለት እሎም። ስኪንጂ ሀይ ረቢ ልትሓሰቦ 'ጊሶ ገድም ከፌኩም' ኢቤለዮም። ጭገረቶም ዲብ ትረብብ ረአሶም ተሐት ደነው። ሓምድ አስክ ልሽኡጎ አዝም እንዴ ጸንሐ፡ ክም ቀርበው ወህድፍ ክም ቤለው ዲቡ እብ እዴሁ ጀህት ገለብ እግል ለአብሎ አሸረ እሎም። ኪሲንጂ እግለ ለአፈርህ ከታይ-አን እንዴ ሐሰዩ ሰበት ትከረ እምበል ሐቱ አሰፍ ተልዮም ዐለ። ለገባር ክምለ ሓምድ ቤለዮምተ፡ ድማኖም እንዴ ሐድገው እበ እለ መጽአው ዲብ ወደግ ዎሮ እንዴ ደነው አርወሐቶም አፍገረው። ህቶም ክም ትነወከው ሓምድ ሀደፉ ዲብ ከረ ሲኪንጂ እንዴ ወደ ዲብለ ለሐዝዩ ክም አተው እሉ ዘብጥ አንበተ። ጠልገት ሰልፍ ዲብ ምንክብ ገለብ ናይ ሲኪንጂ

ዲብ ባክ ህብጡ ትከሬት። ካልአይት ዲብ ነሐር ሻውሽ። ክልኢቶም ምን ኣብቁሎም እንዴ ትጠናቀለው ምድር ሽወጠው። ላመ ኣብቁሎም እግል ልፍረር ክም ቤለ ረሳስ ኣትከበተዩ። ግራሁ እግለ ዐለ ዐስከሪ ከብዱ ዘብጠ እቱ ከእበ ጸደፍ ዲብ ለዐርግ ኣርወሐቱ ጠልመቱ። እግል ምሮ ብዕድመ ሊሙት ወኢሊሙት ኢትደለ ዲብ ለሀርብ ዓጻቱ ክም ዓሸነ እቱ እብ ነሐሩ ዋድቅ ዐለ። ሓምድ ክም ቀርበዉ ደግ-ደግ እንዴ ኣበለ ሰለስ ኣውደቀ። ክልኤ ረሳሰት ዲብ ሲኪንጂ ወደየን። ሕናመ ምነ ዲቡ ዐልነ ደብር እብ ክሉ እትጃሃት ክም ለከፍነ፡ ለተርፈው ዐሳክር ጅሩሓምም ወማይታምም እንዴ ሐድገው፡ ረኣሶም ሐር እበ እለ መጽአው ሀርበው።

ሲኪንጂ ሀዩ ዲብ ሐቴ ሸሌዕ ለልዉሉይ እተ ዕጩት ሸዋኪት ዲብ እንዴ ኣተ ተሐበዐ። ሲኪንጂ ራቤዕ ረኣሱ ክም ወድቀ፡ እንዴ ሰብተ ለልትሓረብ ወለረድእ ዐስከሪ ኢትረከበ። ለእብ ኣርወሐቶም ተርፈው ሐቴ ዶል ረሓቶም ክም ኣርአው ልዩም እንዴ ትዘበጠ እትጅሆም እንዴ በደ ምኖም ኣስክ ሀይኮተ ወጎኚ ክም ሀርበው፡ ግራሆም እንዴ ኢልትወለቦ ማይታምም ሐድገው ከገርበው። ወእብለ፡ ለፍንጌ ሓምድ ወሲኪንጂ ለዐለት ትርኢኒ እብ ሀረቦም ኣክተመት። ሐቆሀ ሓምድ ረኣሶም ሐር ለሀርቦ ክም ረኣ፡ “ወሬሕ እብ ግዲዱ እንዴ ትትነዐዉኒ ዐልኩም ኣዜ ተሀርቦ? ከጊሶ ደሐን እግል ኣዋልድ ስነይ ሚ እግል ቲቦለንቱ?” እት ልብል ትሰሐቀ። ሲኪንጂ ምነ በቀል ክም ተንቀለ እበ እባሁ ኢሞተ። ምነ ሕጌ እግል ትግበእ እሉ ዲብ ልሽሕግ ለኣተዩ ሸልዐት እበ ድበዕ እንዴ ፈግረ፡ ዲብ ኬቶ ለልትበሀል ግንዳይ ዋድቅ ትለሐገ። መንዱቁ ምን እዴሁመ ምን ኢፈንትዩ እግል ልዘበጥ ልግበእ ወልሀረብ ኢቀድረ። ምስል ክሉ እለ ላኪን ሰእየት ኢበትከ።

ወኣስክ ጀማዐቱ መጽአው ልግበእ ወኣዳም እንዴ ለከመ እግል ሊሙት ረቢ ዐሊሙ ዲብለ እተ ዐለ ኣስቀበ። ሓምድ እግል ሲኪንጂ ክም ዘብጠዩ ወምነ ኣካን ምዝባጡ ክም ትነወከ ሰበት ኣመረ፡ እግል ኢልተልሂ እቶም በሰር ኦሮ ባሰረ። ‘ኣሸፋተ ኣልማት ማት፡ ወኣጀረ ጀረ!’ (ሸፈቲት ለሞተ ሞተ ወለ ሀርቦ ሀርቦ) እት ልብል ተሀራሀረ። ለሰዖሰት እግል ሲኪንጂ ኢተአመረት እሉ። ምሮ ምነ ጸሩ ልትሃጌ ለሀለ ኣምሰለ ከድዋሩ እግል ልታይን ዲብ ልትሀናደል ምነ ምሕብዑ ክም ቀንጸ ረሳስ ትከዐ ዲቡ ከእብ ሐዲስ ትዘበጠ። ሓምድ እብ እማሚብቱ እግል ሲኪንጂ ምነ ምሕብዑ እግል ልፍገር ለኣቅወዩ። ሲኪንጂ ምነ እተ ዐለ እንዴ ፈግረ እት እዴሆም እግል ልብረድ ለወዴቱ ብዕደት ጋሪትመ ዐለት። ሐቴህን ኣው ክልኢተን ለኣስባብ ገብኣ ለኣቅወያሁ።